

Элст балгъсн ке-сääхн болх зöвтä

Халымг танггъчин хотл балгъсн—Элстиг кеерулдж, ясруллгъна халхар 1957 джил багъ биш кöдлмш кегдв. Кесг централн уульнцсин äмтн йовдг хаалгъснь асфальтар буркгдв. Ленинä уульнцар бääх бульвариг кееруллгънä кöдлмш эклв. 30 минггън модн тärгдв, парк боли сквер ясгдв. Цуг эн тоот кöдлмшт 4 сай арслнъ мөнггн гарггдв.

Болвчн, эн ик чинртä тöрт балгъсна эдл-ахусин гардачнр сäänär онгган öгцäхш. Улгурлхд, балгъсна уульнцсар тärгдсн модд хäläвр, услвр тату болсн учрар, теднä ургъцнь сән биш.

Уульнцсар делггдсн асфальт кесг газрарн хамхрад, үрдж одсн бäänä. Иим болдг учрнь: эн кöдлмш кеджäh боли кöдлмшиг гардджасн улсин хäläвр тату болсна боли кöдлмшчнр бийснь сән дамшлт уга болсн деерән, хуурмгар кöдлснä темдг. Асфальт хамхрснд зärm учрежденьсин гардачнр, Улгурнь, хойрдгч номертä тосхлтин управленä ах инженер үр Семибратов, „1-е Мая“ артелин ахлач үр Грицинин, АТК-н начальник үр Чернов, нань чигн улс гемтä.

Коммунальн эдл-ахун конторин кöдлчнр урдк дугудундсан тоолдж, эн джил балгъс ясруллгъна кöдлмшт урдкаси сән белдвр кеджähш. Коммунальн учрежденьсин кöдлмшт бääх гол дугудунднь—тärсн модд хäläдж-харлгъна тöрт, балгъсиг цевр-цеерär хадгъллгъна тöрт, балгъс шинäs кееруллгънä тöрт, балгъснд бääх äмтсиг татугъар орлцуллгън, теднäs неквр багъ болджах учр. Тärсн моддиг öрк-бул болгънд даалгъад, ташр квартал болгъиг онц куунд даалгъх кергтä.

Зärm учрежденьсин гардачнр, учрежденä шидр бääх тärмр моддудт тöрүц онгган öгцäхш. Эн ик буру йовдл.

Хавр ирчкв. Балгъсна уульнцсиг асфальтар бурклгънä ик кöдлмш бäänä. Зуг ода куртл эн кöдлмшт ямаран чигн белдвр кегдджähш, эргндан тагчг. Асфальт дор тавгдх уурмг чолун, тулх тулән, трубас—цуг эн тоот эртасавн белдгдх зöвтä бääсмн. Эн кöдлмшт кергтä зärm зер-зер-вс чигн бел кегдджähш.

Балгъсиг богас цеврлгънä тöр—ик чинртä керг. Эн кöдлмшт диг-даран тату болсна учрар, балгъсна цевр-цеерин халх сән бääдлд бääхш. Болх-болшго газрт бог хайгдсн бäänä. Уульнцсар, хотн дотрагъур бääх богиг кöрä деернь зöбдж гаргъсн болхла сән болх зöвтä бääсмн, болв эн туск кöдлмш дуларад, хаалгъ муурсн цагт оч кегднä, тер учрар кöдлмшин йовуднь му болдж гарчана.

Цааранднь мана хотл балгъсн кеерч, сääхрдж, йоста культурн центрт хуврähин тöллä манд бääх цуг эв-аргъан бидн олзлх зöвтävдн. Уульнцс хамдж цеврлдг улс, мöрән үздг газр цеврлдг улсиг сäänär диглдж авх кергтä тедн балгъс ясруллгъна конторин медлд ордж, терунлä бооца кецхäh зöвтä. Бог хайгддг яршгудиг эргнднь асфальтар буркх кергтä.

Балгъсн ке-сääхн болна гисн—коммунальн учрежденьсин кöдлчнрин кöдлмшин чинртä нег äнггнь болдг. Эн тöриг йоснднь, сäänär куцәнä гисн—балгъсна куч-көлсчнрин бääдл-джиргъл ясруллгънла боли советск олн-äмтнä неквр-муд тетклгънлä залгълдата. Эн тöр, балгъс ясдж, сääхруллгънä халхар кöдлджäh улсас, öмнән бääх тöриг куцähин тöллä ик гидг кучллгъ некджәнä. Эн тоот куцäгдсн цагт Элст балгъсн ке-сääхн болхнь лавта.

БОЛДЫРЕВ Очир,
балгъсна коммунальн
эдл-ахун заведующ.